

(欽定) 廓爾喀紀畧

卷

八

欽定廣輿記

卷之

欽定廓爾喀紀畧卷七

十一月初一日

壬申

保泰奏言竊查廓爾喀以小

醜猖狂膽敢擾至扎什倫布搶奪物件並非專

爲索債而起祇因唐古忒人等懦弱無能賊衆

久已輕視以扎什倫布係班禪廟宇積聚多貲

恣行搶掠實爲罪大惡極

臣

又聞紅帽沙瑪爾

巴與仲巴呼圖克圖本係弟兄素相仇怨自沙

瑪爾巴前往廓爾喀以後賊衆屢次犯藏或係
沙瑪爾巴從中唆使亦未可定今扎什倫布廟
宇賊匪雖未敢傷損三塔亦未經毀壞但旣已
侵犯藏地滋擾佛寺殊爲可恨現在

國帑充盈兵甲強盛若勦滅廓爾喀一小部落正
如摧枯拉朽惟是臣聞該處水土最爲惡劣其
接壤各地方亦甚錯雜倘大兵一至伊卽逃往

他處我兵豈能遠涉窮追况臣又聞廓爾喀王

子年尙幼稚一切皆係屬下人等主持前此起
事之時該王子卽言西藏乃佛地

大皇帝所屬斷不可驚擾看來此次搶奪扎什倫布
似非出自王子之意全是屬下人等妄行滋事
廓爾喀自佔據巴勒布後又將與藏連界小部
落二十餘處私行搶佔賊匪愈加驕縱唐古忒

愈加畏懼如將要害地方交與唐古忒人管理
斷難堅定若內地添兵數少仍不足以壯聲勢
若多添兵丁前赴該處駐守道路遙遠又恐費
用不貲現與雅滿泰詳加商議總無善策容俟
鄂輝成德等到藏公同妥議再行奏請

皇上訓示至賊匪自搶掠扎什倫布後由喀爾達一
路逃回經戴奉敏珠爾多爾濟尾追趕殺賊匪

尙在第哩朗古定結等處佔據又探信之把總
蔣連陞報稱九月二十八日戴琫丹津納木吉
帶兵奪取賊人所佔定結官寨有賊匪千餘人
前來抵禦丹津納木吉奮勇接仗殺賊五十餘
名唐古忒兵受傷者六人陣亡者一人該戴琫
現在帶兵極力守禦臣思邊界目下氣候甚冷
賊匪未能竄回巢穴或卽在此過冬則大兵到

時正可勦殺

臣

已飭知該戴琫等以大兵卽日

可到須加意圍困賊匪倘能擒殺一二頭目賊

匪卽當奏明

大皇帝恩賜重賞又查得前被廓爾喀拘留之噶布

倫丹津班珠爾及教習漢兵二人現已帶回巢

穴並未放回合併奏

聞奏入

上命軍機大臣傳諭福康安鄂輝成德曰據保泰奏
到之摺竟不成話其中差強人意者惟所稱戴琫
丹津納木吉帶兵奪取賊人所佔定結官寨殺賊
五十餘名等語戴琫丹津納木吉在定結官寨奮
勇殺賊尙屬出力但該戴琫等此次旣能如此勇
往何以賊匪滋擾後藏時並未見其奮勇勦殺所
奏是否實在情形抑仍聽信唐古忒等捏詞誑稟

著鄂輝據實確查如所報虛捏卽當查明治罪若
果屬實其奮勇出力之戴琤等當奏請酌賞翎頂
以示鼓勵所有受傷及陣亡唐古忒兵亦應照例
賞卹福康安到彼後亦著一併確查具奏至藏內
勦辦事宜前經降旨令保泰等各抒所見據實奏
聞今據保泰覆奏一味遊移畏縮茫無定見似竟
當准伊前奏將達賴喇嘛等移至內地置前後藏

于不顧方爲上策所言竟非復人類矣廓爾喀賊
匪在藏侵擾肆行搶掠並擾及扎什倫布必須聲
罪致討大示懲創其勢斷難中止乃保泰含糊其
詞依違不決轉稱廓爾喀已將巴勒布地方全行
佔據又搶佔小部落二十餘處賊勢日益驕縱唐
古忒人等日益懦弱惟知張大賊勢餒我軍威看
來保泰之意竟係堅執從前謬見欲將衛藏地方

委之于賊試思衛藏爲達賴喇嘛班禪額爾德尼
住錫之地各蒙古番衆素所皈依若如保泰所見
不特衆蒙古無所瞻仰卽番衆僧俗人等亦皆離
析失所向來聶拉木爲藏地邊界若廓爾喀旣得
衛藏則賊匪愈強逐漸侵佔將來察木多巴塘裏
塘等處番衆俱爲賊有是打箭爐與賊接界轉爲
今之聶拉木矣如此乖謬之見豈復尙有人心者

乎保泰摺內又稱廓爾喀王子年輕屬下人等與
西藏構衅時該王子有西藏係屬佛地大皇帝所
管不可興兵之語又稱扎什倫布三座金塔賊匪
並未毀壞廟內房屋亦未殘破各等語尤不可信
扎什倫布金塔被賊匪將塔上所嵌飾物概行挖
去並將廟內供器搶掠一節係保泰前次摺內自
行具奏並非他人編造之語若果未殘毀則保泰

前次摺內所奏不實如實被賊殘毀何以本日又
有此奏卽或保泰初次所奏係得自傳聞未能的
確亦應將前次悞聽舛錯之處於摺內詳悉聲叙
乃並未申說而前後兩摺自相矛盾若此且保泰
所稱廓爾喀本意不欲前來滋擾尙有恭順之意
則此事似屬易于完結何以保泰從前節次摺內
張大其詞迫不及待遽將班禪額爾德尼移至前

藏躲避又欲將達賴喇嘛班禪額爾德尼移至內地若云賊匪來至扎什倫布並未挖取金塔飾物搶掠供器則賊匪又何所爲而來耶保泰又以廓爾喀王子有不可干犯佛地之語隱躍其詞曲爲開釋似轉欲偏袒賊匪如此喪心病狂顛倒瞽亂其罪本應正法姑念保泰係拉什之孫那木扎爾之子伊父前係陣亡不忍卽行正法前此將保泰

永遠枷號著鄂輝責打四十板昨又令福康安到
藏後傳集番衆再將伊重責四十板核其罪案實
所應得且尙罪浮于法保泰自思何以覩顏人世
耶至雅滿泰前此與保泰聯名奏請將達賴喇嘛
班禪額爾德尼移至西寧泰寧彼時朕以此事自
係保泰主見雅滿泰不過隨聲附和是以僅予革
職今雅滿泰抵江孜後距扎什倫布不遠該處所

有金塔曾否被賊殘毀挖去飾物搶刦供器廟宇
曾否毀壞伊斷無不知之理著鄂輝向雅滿泰面
加詰詢令其明白登荅專摺具奏雅滿泰本係獲
罪之人若此時尙欲庇護保泰不行實說一經查
出保泰卽前車之鑒鄂輝抵藏後亦應確實訪查
毋任雅滿泰稍有隱飾此事福康安到後尙須查
辦若鄂輝並不查訪明確于保泰雅滿泰二人稍